



Mwh Gou Gag Youq Ranz

自己在家的時候

贵港市覃塘区蒙公乡高占小学 五(2)班 苏坚采

Baez dwen hwnj gienh saeh neix, gawq hawj gou sim diuqbubbub, youh hawj gou siengj rihaha, vih gijmaz ne? Baihlaj gou daeuj gangj hawj sou dingq ba!

Mwh gou lij iq, geiq ndaej miz haemh ndeu, daxboh daxmeh miz di saehcingz cungj okbae lo, ndaw ranz cij lw gou boux dog, daxmeh yaek okbae seiz daengq sam daengq seiq: “Mwngz dingq vah bw, mbouj ndaej luenh doengh dienh, raemx, feiz roxnaeuz fagcax, miz vunz bongx dou hix mbouj ndaej hai dou bw! Siengj ninz couh gag hwnj congz ninz gonq, daxboh daxmeh banh ndei saehcingz couh dauqma.” Gou bek aek naeuz: “Rox lo, sou cuengqsim okbae ba!” Bohmeh okbae le, gou angq dwk gag

gangj gag naeuz: Ndei lai lo, gag gou youq ranz, yienghneix, gou baenz-lawz yawj densi cungj ndaej lo, siengj yawj gijmaz couh yawj gijmaz. Ngamq daengz gyanghaemh 7 diemj 35 faen, “Lij caeux ne.” Gou bek fwngz hwnj-daeuj, “caen dwg ndei lai lo.”

Neix dwg gou baez daih’ it gag youq ranz, yienznaeuz gig mizyinx hix gig sim’ angq, hoeng, mbwn baez laep caez, ndawsim gou lij dwg miz di lau ne. Hai, yawj densi yaep ndeu ba, yawj dwk yawj dwk, couh daengz gyanghaemh 11 diemj cung lo, vunz ranznden cungj ninz caemrwgrwg lo, lwgda gou hix hai mbouj ndaej lo. Gou gven densi hwnj congz bae ninz, hoeng, baez hwnj congz ninz, gou couh singj lo, fan bae fan dauq cungj ninz

mbouj ndaek, rog cueng lumjbaenz miz vunz byaij bae byaij dauq, lij dingqny diuzmeuz hemqmeumeu lumj sing lwg-nyez daej nei, youh lumj miz vunz bongx dou, gou simvueng dwk siengj: Dwg mbouj dwg vunzvaih rox gou gag youq ranz le daeuj guhcaeg ne? Gou gwq siengj gwq lau, couh aeu denz goemq gyaeuj, hoeng gou lij mbouj onj, lau bouxcaeg rox gou youq gwnz congz, gou youh ndoj ndaw gungxdou bae, yaep ndeu gou youh ndoj laj congz bae, yienghneix roxnyinh ancienz di lo, gou heiq hung hix mbouj gamj ok, itcig ndoj youq laj congz.

“Ngi——nget” sing dou yiengj lo, daxboh daxmeh dauqma lo, daxmeh yawj gwnz congz mbouj raen gou, simgip dwk hemq: “Genhcaij, mwngz

youq gizlawz?” Daxboh hix dauqcauw ra gou, doeklaeng lij dwg daxmeh fatyienh gou ndoj youq laj congz ninzndaek lo, daxmeh riu naeuz: “Gou cungj suenq ra ndaej raen mwngz lo, vaiq di okdaeuj ba!” Gou baez raen daxmeh couh got dawz de, fwt daejnga’ nga lo.

Daxboh riu naeuz: “Gaej daej lo, mwngz caeuj daxboh daxmeh gangj-gangj, mwngz dwg caeuj dou guh yahndoj ba? Dou ra haujlai giz cij ra raen mwngz ne!” Daxboh gangj sat, rihaha lo, daxmeh hix riu lo, gou hix riu lo.

Mwngz gaej yawj gou bingzseiz mbei gig hung, hoeng, baez haenx caen dwg lau ndaej hoenz cungj saet lo. (指导老师:覃珍团)

Haenhhaenh Doengzhag Gou

赞赞我的同学

贵港市覃塘区蒙公乡高占小学三年级(1)班 陆新杰

Daj gou haeujhag, roxnaj le haujlai doengzhag. Seizneix gou couh daeuj haenhhaenh doengzhag ndei gou——Siujnganz ba!

Siujnganz beij gou sang di, doiq da daegbied rongh, byoemgyaeuj ndaemndat, baez riu aennaj couh miz song aen cenjlauj, gig dwggyaez. De gig coengmingz, moix baez gaujsi, yijvwnz caeuj suyoj cungj dwg ndaw nienzgaep daih’ it.

Miz baez ndeu, lauxsae ok daez


hawj daihgya gauj, lij daezsingj naeuz: “Mbaw sigienj neix miz di nanz, cingj daihgya nyinhcaen bae dap daez.” Ngoenz daihngieih, sigienj fat roengzdaeuj lo, Siujnganz youh ndaej 100 faen.

Baez ndeu, gou deng diuz daez suyoj ndeu gaz youq lo. Gou naemj bae naemj dauq, ukgyaeuj cungj in lo, lij naemj mbouj ok dwg baenz-lawz guh. Cingq simgip seiz, Siujnganz byaij gvaqdaeuj, riu dwk

cam: “Lauxdoengz, mwngz deng gij-maz daez gaz la?” “Nanzdauh mwngz rox guh?” Gou cam naeuz. “Dangyienz lo, dingq gou gangj ba!” Siujnganz bek najaek naeuz. Yienz-haeuh, de couh nyinhcaen gangjgej: “Gizsaed gig yungzheih, sien aeu song aen soq doxgya, caiq yungh aen soq neix……” Siujnganz naihsim dwk baez youh baez son gou, cigdaengz gou rox bae. Gou mbouj ndei eiqsei q naeuz: “Dohcih mwngz, Siujnganz.” “Mbouj yungh docih, baengzyoux ndei couh dwg dox-bang.”

Neix couh dwg baengzyoux ndei gou——Siujnganz, de mboujdan hagsib cingzcik ndei, lij gig gyaez bang doengzhag.

(指导老师:覃珍团)



Ngoenz Vaiqvued Ndeu

快乐的一天

贵港市覃塘区蒙公乡
古山小学三年级 邓伟接

Miz baez ndeu yienzdan cuengqgyaj, gou caeuj daxboh, daegnuengx sam boux bae rog guhcaemz.

Gyoengqdou doxcaez naengh banci bae, daxboh doiq dou gangj: “Raeuz bae haw guhcaemz ndei lwi?” Daeg nuengx gou han naeuz: “Gou mbouj bae, gou siengj bae Majcaujyangh Gungh-yenz.” Doeklaeng gyoengqdou gietdingh bae Majcaujyangh Gunghyenz guhcaemz.

Haeuj ndaw gunghyenz, gou yawjraen ndaw gunghyenz gofaex raemhrwd, diegnywj heuswd, ndaw daemz miz haujlai bya iq youz bae youz dauq, gwnz mbwn miz haujlai yiuhrumz mbinfeng-feng, gyoengqdou bae naengh ci’ gvaqbya, mizyinx lai lo. Doek-laeng gyoengqdou youq gwnz diegnywj guhcaemz.

Ngoenzhaenx gyoengqdou gvaq ndaej gig vaiqvued gig angqyangz.

(指导老师:韦 慧)



Guh Boux Vunz Lauxsaed Ndeu

做一个诚实的人

贵港市覃塘区蒙公乡凌寺小学 庾冰

miz 5 faen cung couh gyau gienj, gaenq miz doengzhag hainduj genj-caz sigienj lo. Doengzdaiz gou gaenq guh sat lo, cijaeu gou nod aen’ eij di he, couh yawj ndaej raen gij dapanq de. Seizneix lauxsae mbouj haeujsim daengz gou, gou cingq simvueng seiz roxnyinh yawjraen le maqmuengh, hoeng couh youq seizneix, youq ndaw uk gou miz song cungj singyaem: “Cau ba, yienghneix mwngz couh gauj ndaej muenxfaen, mwngz lumz luma? Daxmeh gangj muenxfaen miz ciengj bw.” Lingh aen singyaem naeuz: “Mbouj ndaej cau! Gaujsi dwg genjcaz mwngz bingzseiz hagsib hag ndaej baenzlawz yiengh, mbouj ndaej vihliux faensoq, yaeuh vunz youh yaeuh swheij! Mwngz

cijaeu gauj ok gij cingzcik caensaed couh ndaej lo!” Sim gou fugfeb hwnjroengz, song cungj singyaem youq ndaw uk ceng mbouj dingz. “Ling……ling……ling” Lingz gyau gienj yiengj lo, gou lij caengz dap daez sat couh dawz sigienj gyau hwnjbae, gou lumj cuengq roengz rap naek nei cuengq gaemz heiq hung ndeu.

Gvaq le geij ngoenz, dan cingzcik fat roengzdaeuj lo, caeuj gou liuh haenx ityiengh, 95 faen. Daxmeh dingq gou gangj sat gij ginglig mwh gaujsi, haenh gou guh ndaej deng, gou sou ndaej le binjdwz lauxsaed, hix mingzbeig le cijaeu nyinhcaen hagsib, couh ndaejdaengz cingzcik ndei. (指导老师:庾书扬)